



**UNGQONGQOSHE
wezoLimo KwaZulu-Natal, uMnuz Super Zuma, nenhloko yomnyango entsha, uMnuz Zibusiso Dlamini Isithombe: SITHUNYELWE**

Kuqokwe inhloko entsha kowezolimo

PHILI MJOLI

KUQOKWE inhloko entsha eMnyangweni wezoLimo KwaZulu-Natal.

UMnuz Zibusiso Dlamini, obebambe kulesi sikhundla nyakenye noqale kuso ngokusemthethweni kule nyanga, ubencelisa amawele eyiphini lomqondisi ekuthuthukisweni kwezolimo.

UNgqongqoshe wezoLimo, uMnuz Super Zuma, emukela uDlamini esikhundleni sakhe esisha izolo, utho: "Umnyango uykujabulela ukwamukela inhloko yomnyango entsha. UDlamini akayena umafikizolo kulo mnyango njengoba ebeyiphini lomqondisi jikelele ophikweni lokuthuthukiswa kwezolimo. Uqale umsebenzi wakhe kulo mnyango ewumeluleki wezolimo. Wasebenza emazingeni elhukene okuphatha kulo mnyango. Ukuqoka kwakhe sikubona kuyinkomba yokuthi kunabantu abanangi abanamakhono abangaphakathi kulo mnyango. Sizibophezele ukusebenziana kahle nenhloko yomnyango ukuze siyinikeze lonke usizo oludingekayo ukuze siqinisekise ukuthi iyaphumelela kulo msebenzi ewenzayo."

Ephawula ngokuqokwa kwakhe uDlamini utho: "Ngithobekile ngokuthi ubuholi buyakholelwa ekutheni ngizokwazi ukuholo lo mnyango ukuze kuthuthukiswa ukukhula komsebenzi wezolimo nokuthuthukiswa kwemiphakathi yasemakhaya," kusho uDlamini.

Uthe uzogxila kakhlulu emiphakathini esengcupheni yokubulawa yindlala uma zingaqiniswa izinhlelo zokuthi le miphakathi ikwazi ukuzikhqizela ukudla. Uthe uzophinde enze isiqiniseko sokuthi imiphakathi ibamba iqhaza ekuthuthukisweni kwezomnotho.